

漸備一切智德經

第二

百十九
戎五

47967



元祿九年丙子二月日重脩

皇圖瓊閣 帝潛綴昌

佛日增輝 懋答輪常轉

山城州天安寺法金剛院置




漸備一切智德經卷第二

西晉三藏法師竺法護譯

戎

離垢住品第二

金剛藏報諸佛子是菩薩大士已了初發第一
 住竟尔乃好樂第二住矣意性懷篤奉修
 十事何謂為十一曰志性柔和而無麤獷二
 曰修正真業無有邪思三曰其行質直永無
 諛諂匹四曰心懷調仁不為瞋恨五曰其行寂
 然未曾憤亂六曰意抱至善具不為虛偽七曰



其行方復無有雜碎八曰進止坦然無所貪
慕九曰行在微妙不為下劣十曰其意寬知
未嘗迫迫是為十事菩薩意性懷篤具成初
住至第二住金剛藏曰又諸佛子菩薩已住
第二離垢之地離于殺生不執刀杖心懷慚
愧愍哀群生常抱慈心欲濟眾生無有思想
心不念殺不求人便不危他身捨身之安而
解眾患無有二心況復犯乎又不盜竊心常
好施不會他財已財止足不數多求覩他所
有萬物生業財寶之利不生嫉心眾人迎逆
莫不戴敬草葉毛米未曾默取念廣布施救
濟諸之割身所供惠眾窮困蝻飛蠅動蚊行

喘息隨其水陸皆欲令安不遇衆患又捨愛
欲邪姪之行不欲重習自於妻室而知止足
未曾興心慕樂他妻心不思想不平他室奉
清白行不爲穢濁如母如姊如妹如女無異
清淨鮮明而無點汙無有二心況犯色邪又
不妄語不樂虛言所宣至誠言辭真正所傳
順理言不失時不竊妄語至於夢中不演非
法況晝日乎不爲危教況心念邪常說正法
佛之經典不出俗辭無益之業又離兩舌不
傳彼此鬪亂於人不誤兩盲未徹視者使諍
不和不侵犯人彼聞惡言不傳至此此聞惡
言不宣到彼和解諍訟使無怨望修德爲法

令無罪非歿講論經道各有篇章又不罵詈不
演麀辭不宣惡言不傷人心世人所說口演
不仁惱於他人不微中人無所恐懼常行仁
和不興瞋恨害心向人不使眾人意懷湯火
愁慙之患口所布言可一切心柔順慈和聞
者安隱心中愛樂喜欲見之多所悅豫遠近
思覩乃傳此言戒智德又思其言無猷其辭又不綺
語離于飾辭言無所犯未曾傳語常護身口
終不戲言取誤教令況復由利有獲財寶貢
上歸遺而宣虛乎雖身溺死不演非義身口
相應言行相副不失神明不違佛教又不嫉
妬不抱貪饕未曾興心慕求眾欲他人財業

高德貴姓不發癡心貪利無義見人多有豪
貴至尊不以爲嫉心存道義猶魚依水不捨
正具又無瞋恨心常懷慈愍哀之心調和之
心安隱之心柔輒之心其心常念欲濟一切
而將護之假使其心發瞋恚者若有患獸不
能自制眾垢危害心中惱熱尋除其根令不
熾盛抱以仁和慈心弘坦如畏蛇虺毒獸之
聚惡心便休成斯仁和又棄邪見奉于正見
不隨外學捨于貪事虛偽之術吉良之曰不
擇時節不思國位若覩帝王不以爲貴不懷
諛諂表裏相應心性仁和奉佛法眾不失三
寶愍哀三界皆欲度脫是爲十善常當將護

此十善德心行如是思惟奉行若見衆生犯
諸惡業當歸惡趣以十善事而開化之又其
學士已立正見奉行至具亦勸衆人入于至
具所以者何其自己身不能修德欲化他人
立道德者未之有也彼選擇念奉行十善不
歸三惡地獄餓鬼畜生之處其十善行得生
人間及生天上三十三天又能奉行此十善
者成大智慧思惟其義畏于三界興發大哀
不為毀損從他人聞所宣音聲得成聲聞自
然中間修清淨志不欲仰人不從他受自欲
意解求成正覺好立大哀不以損耗志入深
要思十二因不了無根得緣覺業其心寬知

最極無上不可限量愍傷衆生執權方便堅
立弘誓無極法鎧坦然無迹欲救一切衆生
之類不捨三界得成佛慧無礙道元菩薩所
行清淨道地成無窮業習轉最上衆宜究竟
至建十力乃致佛法十八不共吾等聞之故
當志學一切學已勤脩精進彼益深觀其此
戒 卷二
十惡不善章句甚為招致地獄緣報中殃畜
生微覺餓鬼是故我等若殺生者歸於地獄
畜生餓鬼設生人間有二惡報何謂為二所
生之處其壽常短又多疾病而中天逝家室
憂感莫不感哀若喜竊取亦歸三惡苦若生
人間亦有二報何謂為二之少財業怨賊劫取

亡無多少令人憂惱犯他人妻室亦歸三惡
復有二報眷屬不貞數謂喜妄語者歸
於三苦有二惡報何謂為二人多誹謗言不
見用其兩舌者亦歸三苦復有二報眷屬離
散生下賤子共為伴黨其惡口者亦歸三苦
復有二報何謂為二聞不可聲罵詈之音其
綺語者亦歸三苦復有二報何謂為二熱惱
他人所在至湊不能自浹其貪饕者亦歸三
苦復有二報少於產業又多疾病其懷嫉妬
亦歸三苦復有二報何謂為二若在人間墮
于邪見不知止足起于瞋恚亦歸三苦復有
二報何謂為二自危已身而惱他人其邪見

者亦歸三苦若生人間復有二報何謂爲二
沒在邪見六十二非喜行諛諂如是多患因
致苦陰由以合成不善根本假使能棄此十
惡者能以道法自樂伏意以棄十惡建立十
善亦能勸他令任十善彼加大仁愍哀衆生
心懷弘坦慈心愍心調和之心廣布恩心散
擁護心是我之心奉師之心敬如世尊心自
念曰一切衆生邪見所縛心意顛倒志念反
逆發起虛行吾當盡立令任其實脩於正具
言行相應而安立之衆生一切破壞諍訟轉
相誹謗常抱瞋毒轉相投禍吾等當設無上
大哀無極之慈立堅固行令無彼此衆生不

獸結縛之難嫉他人業造反邪行不順道本
吾等今淨身亦淨口心衆生心迷建立罪福習
淫怒癡為三蓋礙墮在塵網常自投已不便
之地當求堅固善權方便消寂一切衆勞之
患今立無難衆生在于愚癡之厄無明所縛
住在六真遠於大智遊闇昧門行窳蔽業吾
等當為開化嚴治無所罣礙清淨慧眼使一
切法輒如所言由得自在不戴仰人衆生墮
在生死困患地獄畜生餓鬼苦門漂在邪見
六十二疑羅網所縵愚癡所蔽邪徑所迷遊
盲瘖路不親聖師無有救護有所歸趣無解
脫業為賊所劫魘鬼在心遠離佛心吾當將

養度生死原曠野玄路立之無難前在無畏
一切智城衆生墮在大林盛火欲處色處無
色之處浮囚三淵爲生死流所見漂沒墮恩
愛江大患所攝強在愚惹心念貪婬志愚危
害欲行賊役而計有身猶海水岸姪鬼所迷
隨放逸走慕人嗜欲住已自大各懷異心未
度想度或諸衰入而爲震動遠衆善德吾等
當化修大德本道力拔救令在滅度使離恐
懼衆危之厄因建立之於一切智衆生悉爲
貪樂所縛無數苦痛愁感之惱多所志慕憎
愛所結合會別離而相戀悻無明所蔽受在
三界吾等當開示其正路至無罣礙脫三界

難令立滅度無為之道衆生悉為猗見吾我
五陰諸入不可轉移處四顛倒依六衰舍為
諸怨賊所見功擊遭無量苦吾等當化除諸
患厄一切陰蓋使至無為衆生志存下劣之
業之於尊慧一切智心無天人導志在恐懼
生死之難樂聲聞緣覺吾等當化使立微妙
廣大之心是為佛子菩薩所入如此戒力勸
化貧匱常抱慈愍以權方便立於菩薩離垢
道地因得覩見無央數億百千妓佛供養衣
被飲食床卧坐具病瘦醫藥一切施安身命
自歸如來至真平等正覺受是至清十善奉
行雖受行之無所違失於無央數億百千妓

非載劫中所受身形亦若干劫不懷貪嫉犯
戒垢濁無益之業好喜布施奉持淨戒猶如
有人適生墮地端正殊好尋而洗之清淨無
垢菩薩如是在此開土離垢之地於無央數
億百千姦兆載劫中所受身形不懷貪嫉犯
戒垢濁無益之業行於四恩惠施仁愛利人
戒智德卷二五
等利救濟合聚衆生拔衆危厄十度無極勤
修精進戒度無極悉爲具足不使乏少又族
姓子菩薩已能奉此初第一住有第二住名
曰離垢菩薩住是爲轉輪正治以王法然有
七寶假使衆生退在犯戒十惡之業以權万
便而勸立之令行十善若興福施惠施於人

仁愛之德有所饒益等利之義一切不捨常
心念佛惟慕正法志在徒黨菩薩之業開士
之行六度無極十住之原思念十力四無所
畏十八不共諸佛之法衆行普備念一切智
以何方便勸化衆生令逮至尊為最為上為
勝為超至於無上為衆導師勸化一切養育
將護至一切智發意之頃捐棄家業愛欲黑
冥順如來教出為沙門普行精進須臾逮致
百千三昧見無量佛適見諸佛建立道誼動
百千國願生其國越無限界嚴治清淨無數
世界開化度脫無量衆生入不可限識本宿
命所歷劫數選擇志求不可稱載道法諸門

觀見十方衆生形像觀無限量諸菩薩會從
學志願攝取菩薩殊特弘誓億百千姦兆載
劫數莫能稱焉時金剛藏菩薩大士演此住
已尋則頌曰

此等心質朴

修治已意性

其志已真實

柔順而調和

已捨諸習貪

慕求最上道

其行極弘大

輒在第二業

報德住於斯

積累衆德本

遠離於殺生

心未曾懷害

離於慳嫉行

不犯他妻室

至誠不兩舌

不惡口綺語

已消恚貪行

常修大慈愍

入于正見業

無諂行質直

無愛捨自大

作性粗舉要

將護世尊教

常行無放逸

地獄之苦痛 畜生亦如是 佛教興光曜

常以消餓鬼 棄捨一切惡 不善之心意

滅除眾偽害 志大至誠法 自謹勅其意

所生轉善處 至三十三天 寂然永安隱

猶如緣覺乘 聲聞及正覺 皆由此十事

從清白句生 見此常當觀 恒修無放逸

意堅立禁戒 亦復勸化人 益加增愍哀

志性日弘慈 觀苦惱眾生 興致心傷念

皆墮諸邪見 斯由意不寤 瞋恚懷毒害

心喜抱鬪諍 常不厭眷屬 勤約慕境界

吾當度脫之 令濟此三厄 造立大閻冥

其性樂愚癡 是在姦惡路 遊於諸見網

戊 卷二

六

四

周旋在生死 當行方便度 濟脫諸六情
立正解五陰 消除衆塵勞 越于四駸瀆
滅盡三界苦 熾熾之惱患 永離諸貪身
勢力吾我想 吾以此等故 苦行欲度脫
遊心尊最勝 無上佛之慧 導御修至誠
棄捐劣弱心 立志弘實弘 諸如來道慧
勤精進無量 堅固得佛道 住此寂功勳
積累衆德本 見無數諸佛 咸悉供養之
斯等解清白 見億百千劫 其身無罣礙
心口亦如是 諸佛子住此 應時轉法輪
開化立衆生 使行十善業 一切所積累
清淨之行本 濟護於衆生 斯富十種力

因時發意頌

棄國捐財業

佛所作沙門

修入勇猛行

已通大精進

致尊三昧定

見無數諸佛

應時如佛界

以是若干變

及與不可計

輒覩其境界

各在斯道住

已能住此願

致最微妙慧

造若干變化

開化於衆生

是為第二住

大聖之所宣

普愍世群黎

衆菩薩最上

已得聞是最始上法菩薩地境不可思議至

真無異諸佛子喜而修恭敬住於虛空則雨

天華各宣善哉德如山王而分布說禁戒之

源心念愍哀一切群黎惟演尊妙第三行本

所說至誠永無有異衆菩薩行最為無上普

欲令世一切安隱以願稱講第一雅妙益當
恭順天人所敬第三離垢菩薩尊住除其愛
欲精進造立建大法慧如之所為行布施事
惠施禁戒成為大聖忍辱精進一心寂然善
權智慧慈心殊勝愍哀行道眾祐宣布清淨
之行譬如月明金剛藏誦演第三住心樂善

戒智德卷二 七 集

說莫不欣然咸發道意

漸備一切智德經興光住第三

金剛藏曰佛子菩薩大士已得究暢第二種
地便入第三尋當思惟唯行十事何謂為十
一曰志性清淨二曰性行明達通利三曰消
滅憍怕其意四曰心懷無垢瑕穢五曰志念永

不退轉六曰其心堅固而不怯劣七曰其念
極上無窮八曰性行輕便而不遲鈍九曰其
行微妙巍巍高玄十曰其心弘廣不狹局窄
假使菩薩住第三地觀諸萬物一切無常苦
空不淨不可保信悉歸壞敗不久存立適起
尋滅本無所成當來未至現在無住察於一
切萬物所有皆歸沒盡已得入此無所有地
悉是憂惱危厄衆難患害合會結在憎愛之
業多有愁感咸以無常姪怒癡火甚爲熾盛
因爲成立無所依怙察此一切猶如幻化一
切萬物悉爲恐懼無有救護心數動移便以
違失本明之慧見如來慧不可思議不可限量

不可稱載極遠巍巍無有顛頓亦無衆厄無
為常存無畏第一不復退轉多所濟護所見
平等已見如來無量聖慧觀衆危厄益加愍
哀念于衆生心行十事何謂為十一曰心念
將濟孤獨危困二曰常化貧乏使入道法三
曰消于姪怒癡火所然熾盛四曰其心周旋
生死而不迷亂五曰其心常欲蠲除塵勞之
穢覺未覺者六曰其心顯曜令習自在七曰
勸導離善法者使樂大雅八曰其心忘失佛
法今入正道九曰其心迷惑隨生死流使返
其原十曰其心見在愚徑而懷恐懼今立無
畏彼已觀察衆生無數危厄三界之患輒空

精進吾當將濟一切群黎度之解脫今致清
淨使得超越化之立之勸之悟之開之示之
今至威度已能如是達至無為普入萬姓如
斯將濟一切衆生所化若茲具一切智如來
聖慧心念勤修擁護衆生又自思之以何因
緣以何方便化此無數衆生之類墮在苦惱
塵勞之厄所遭焚燒使立永安今無復異住
在無礙三脫之門已立斯法開化他人以無
罣礙三脫慧門無復異行解一切法知所無
行了本真諦導之為行行無所行以此慧明
不復觀聽倚仗之義惟學佛道又心念言何
所為是一切佛法之根本也惟以博聞分別

戒

智德

卷三

八

金

義理以觀此慧益加增修勤求正法專精奉
行夙夜思法欲聽受之不以為厭樂法不廢
發生妙法求法導法志法由法流法歸法救
法護法行法善求道法不慕世間無限寶物
無用諸藏盈滿之珍已得自在發意布施不
念有難惟思法師於世難值甚為希有以用
法故無所愛惜內外所有咸以布施所可惠
施若施眷屬田地財寶帑藏珍竒瓔珞妻子
男女頭目手足耳鼻肌肉支體衣食及已身
命用經法故無所貪恠皆能惠施用法典故
極重愛樂所用安已明珠如意貴價瓌竒布
施之時謙下卑言所可施他不懷悔恨身心

不惱其有受者因是今度所不聞法聞之欣
然勝得三千大千國土滿中珍寶寧聞一偈
不用梵釋轉輪王位修無央數百千劫行或
有來謂卿今所興習是平等正覺之業菩薩
淨行假欲得聞此大正法自投大火更無極
苦苦惱之患越斯大火若使已身遭是困厄
乃成佛道即念言今我身求經寧受樂一句
法不用此身正使此三千世界滿中火至梵
天求法故自投中況小火也設今墮在一切
地獄苦痛不安故當勤慕求于法典况復值
遇人間之惱以此方便求于經典若使聞法
如法觀察一切解達彼若聽經自伏已心令

志上道識如是意在於經典而行要法慕樂
佛道終不唐舉口言清淨照察如是住菩薩
地寂除情欲消滅諸惡不善之法專惟善業
歡悅安隱成第一禪又除想念其內寂然而
心一矣無復思想隨時順行歡悅安隱成第
二禪又好喜離欲恬怕行其心寂默身意
快然猶如衆聖所言觀察其心安隱行第三
禪又除其樂棄捐衆苦消竭前本無樂無苦
專精永然其心清淨行第四禪彼則越度一
切色想已超色想想逮有無想入無名号因時
思念若干名想輒以修行無量虛空虛空之
想彼已越度諸虛空想因修奉行無量識慧

戎

智德

卷二

九

金榮

識慧之想彼則越度諸虛空想便無所有修
無所有已度一切無所有業因修無想亦不
離想則不樂餘所興發處惟奉道法因修慈
心廣大無際不可限量無怨不恨欲護衆生
一志普周遵行悅豫慈念十方哀喜行護亦
復如是其心廣大愍護無際無怨不恨欲濟
衆生救護十方具四等心一切蒙安又彼修成
若干變化神足示現震動天地以一身化爲
無數身以無數身還合一身徹越虛空通過
墻壁入出太山須彌鐵圍無所罣礙如遊虛
空虛空中坐猶如飛鳥出沒于地如入在水
履水行上如行于地身出煙火如大炬然察

視日月神足巍巍威神無極遊行四域消除
闇冥以手捫摸日月宮殿其身遠超上至梵
天耳之徹聽清淨洞達過於天人聞其言聲
諸天人民又復了知衆生心念所念如是知
有欲心無欲之心有恚心無恚心有癡心無
癡心有塵勞心無塵勞心小心大心多心少
心要心無要心亂心正心定心不定心解脫
心無脫心最上心無上心審見本末皆悉知
之如是一切分別衆生諸心所念善惡禍福
道俗真偽靡所不達又識無限前宿所居一
生十生百生千生不可稱載宿命時事悉識
別之劫壞劫成悉知無數不可計會天地成

敗吾曾更歷國土覩所名姓如是所遊飲食
壽命長短衣服好醜所遭苦樂彼沒生此此
沒生彼彼沒生彼此沒生此彼此周旋適沒
來生尋復還返以是比類曉知無限前宿所
更已復清淨清淨天眼過諸天眼見人生死
善惡所歸尊卑貴賤如所作受又此衆生身
行善口言善心念善不謗聖賢奉修正見壽
盡身散得上天生又若衆生身行惡口言惡
心念惡誹謗聖賢或於邪見壽盡身散墮于
地獄以淨天眼普見天人蚰飛螻動蚊行之
類所行禍福善惡所趣又以一心三昧正受
若從定起不用此德有所向生惟覩具足菩

薩道品願有所濟故示現生住于菩薩興光
之地見於十方無數億千兆載諸佛奉事供
養衣服飯食牀褥卧具病瘦醫藥歸命諸佛
聽所演法已聞受法隨器授與未曾越法不
毀佛教各各觀察益以愍哀普如已身親族
無其欲解諸縛於無央數億百千劫兆載姪
限斷邪見欲心不在言亦除邪瞋愚癡之態
如金寶師工治寶矣以作臂釧釵環瓔珞步
搖之屬無不成好菩薩如是住光曜地則以
無言消諸所見諸姪怒癡以是德本增行巍
巍清白日甚漸備仁和忍辱之原將順戒禁
而無所犯心不懷恨不抱怒亂志性無諂心

懷庠序而不卒暴一切所作不以究竟所作
成辦不行諛諂無虛偽時性無所受行甚清
淨彼以四恩而宣愛敬行益利義內志篤厚
十度無極忍辱精進所度無極殷勤修此亦
復勸化餘諸菩薩謹慎清淨是為菩薩諸大
士等第三住法名曰興光菩薩住此諸根通
達若作天王執權方便有所造立若行布施
作行敬愛設修利益其心常一念佛不捨致
普具足念一切智業以何等行為諸衆生致
于最尊得普愍達為衆導師乎發意之頃精
進超絕一時悉建百千三昧時金剛藏菩薩
大士欲復重散此義所歸說此頌曰

斯等性清淨

德室心通達

貪欲患消除

成不退轉業

興發堅固志

強勇進微妙

其意甚廣大

因是入三住

已立於此地

宣布光曜住

說非常苦空

不淨毀散法

為不得久存

須臾虛無聲

選擇悉有為

無來無所往

由是致疾病

遭愁憂涕泣

與眾惱俱合

受結著恩愛

苦患不可念

常熾然三火

以見有為業

發起無限難

若獸於三處

其心無所慕

欲求諸佛慧

其意不變異

無量不可思

所度無等倫

覩彼眾滅度

諸最勝聖慧

已見於諸佛

永無眾患厄

無救離依怙

拔濟使得出

戒 卷二

十

余

常貪於道法
百種縛其心
已失威神力
恐怖求解脫
志樂於道慧
建致至解道
其慧為智明
成菩薩聖慧
夙夜欲啓受
以法度救護
國土廣無量
眷屬諸徒使

為三火所灾
重敬眾塵勞
違安住道寶
我應擁護之
不貪世人榮
無他諸罣礙
是眾安住業
適聽所說法
無餘因緣業
明月珠眾寶
具足豐盛尊
以經典之故

犯所有苦惱
無明志下賤
流墮生死淵
堅強等精進
觀察何等宜
成諸如來慧
以聞智專惟
尋精進奉行
以法而樂義
所愛敬親里
妻子及男女
布施不恡此

頭目及手足
施血如流江
不以此為苦
口宣如是辭
若聽安住說
功勳義章句
設使三千世
其意達玄妙
正使於中死
忍苦不以患
我之所戀慕
隨時而思惟

已身之肌肉
見害屠割形
不聞法為患
猶如火興起
微妙法要寶
一句法義故
滿火至梵天
若人聞致是
求得道慧明
何況人身苦
惟志求聞法
四禪四等心

目見而口言
所重髓布施
假使有來者
自投炎赫盛
聞之甚思惟
頂戴須彌山
我聞法善利
任如是苦惱
雖遭此眾難
若干之厄難
若得數聞法
悅豫三昧定

承於五神通

漸備具足行

以是由自在

不墮所向生

住立此軌德

順無數億佛

意常奉供養

聽受斯經典

曉了離邪住

啓順清淨行

猶若金無垢

号曰為紫金

住是雅功勳

報處忉利宮

造立為豪尊

迴轉處魔天

魔天若干會

功德諸章句

以住無異意

惟求佛功德

佛子已住此

殷勤慕精進

逮致三昧定

其數各百千

覩見諸佛最

相好若干種

加益極微妙

功勳尊無量

是為第三住

安住身自說

普慈諸世間

諸菩薩無上

時諸天人聞大行

微妙巍巍所住地

智德卷三

十二

金

衆祐諸子懷踊躍
會在地樹持衣被
魔后可敬柔奕好
其自在天歡悅句
口宣我等故有佛
其最法勝何故然
我今得聽妙道地
益加宣布愍諸天
得聞此奕聖衆會
如月除患盛
已與安住談
演行最爲上

則以天華散佛上
嗟歎稱揚此經典
鼓樂歌頌勝妙法
以月明寶貢安住
興發德辭度彼岸
獨歎菩薩行第一
於百千劫難得聞
諸佛之子行殊勝
當得服行寂無他
第四所遊行

漸備一切智德經暉曜住第四

金剛藏復曰佛子復聽菩薩大士已能清淨
住第三地便進入在第四地住轉得超越入
十明曜何等為十一曰遊在衆生之界二曰
周行通諸法界三曰徧察三千世界四曰觀
于無窮虛空之界五曰普省衆神識原六曰
流布在於欲界之處七曰周旋往來於色界
中八曰優遊而化於無色界九曰志在上最
微妙解脫十曰其性弘寬心和柔稟是為十
菩薩大士復有十法建法光明從第三住入
第四住且聽佛子其菩薩業第四行住名曰
暉曜適此已則能將護如來種姓致于內法
教化十慧何等為十一曰其心法性得不迴

轉二曰篤信三寶莫能壞者建所遊處而悉
究竟三曰勤修清淨玄妙之業四曰解自然
興故仁尊道五曰分別世間從因緣生成敗
之事六曰曉了一切悉從罪福致所生處七
曰敷演生死涅槃之原八曰覺知衆生國土
之本九曰宣暢散意過去當來十曰能剖判
說無所盡行因得成就如來種姓是爲十金
剛藏曰又佛子聽若有菩薩住第四地自觀
內身而行寂然自御其意不懷俗法亦觀外
法而行寂然亦御其意不懷俗法重察內外
亦無所起永無所壞觀內痛癢察其心法亦
觀本法法之所行觀內外法而行寂然自御

其意不懷俗法衆惡諸法不善未起將使不生精進攝心成就方便今永斷絕不善法起尋消除之諸善德法若不興者方便精進志樂興勸功勲之法今立不失進使廣大勤修道地從行具足自攝已心未曾懈廢永除衆穢定意離貪修行爲道念行神足成就閑靜究竟無欲乃至滅盡勸助功福精進已定備悉衆行以斷心定便安衆行斷識定意輒行神足成就閑靜究竟無欲之宜乃至滅盡勸助功福念行信根精進勤力意根定根慧根成就閑靜而無衆欲滅盡衆塵勸德念行信力精進力意力定力慧力成就閑靜無欲滅

盡勸德念行念定覺意修法覺意精進覺意
歡悅覺意篤信覺意觀護覺意成就閑靜今
其無欲滅盡眾塵勸德念行正見正念正言
正業正命正方便正意正定成就閑靜今其
無欲滅盡眾塵普察勸德目見一切眾生所
在為其宣暢本宿世願志無極哀興發大慈
使疾逮得一切智矣今速究竟淨治佛國具
足如來十力無畏諸佛之法諸相種種好音聲
言辭念遵最上殊特之業普使具足求學深
妙聽佛脫門而行無極善權方便又佛子聽
菩薩若住此暉曜地前本所習自見貪身倚
於吾我而計有人依形壽命諸陰種大貪任

衆人浮沒高下選擇狐疑疲極之態謂言我
所恃怙財業實有處所一切永除如是倚著
皆亦斷去一切思念誹謗之事親忍塵勞動
學立志善權智慧在在所遊以道為寶遵興
道教其心潤澤心懷柔軟抱仁和意心常愍
哀心不厭倦求最上心志好戀慕殊特慧心
將護化育諸衆生心尊敬師友順應器心如
所聞之輒奉行心逮玄妙慧所作甚快仁慈
柔奧所居安隱止頓賢和志性質直行無所
受不以自大不以憍慢受其教令歸命無違
彼行是已所受修行寂然若斯為上道地清
淨住法專精思惟習合會行奉行勤修修不

退轉精進不休而不懈倦遵不迴還所奉廣
遠所行無量最上精進求無等侶皆護衆生
所勸不毀又其菩薩心性清淨志分和賢無
有可不興成信界意性長益諸功德本永已
消除貪妬慢恣離於猶豫親近貢高已得具
足無礙脫門因合會法無厭不懈已得速近
建立如來將順其心今無限量其住在此暉
曜菩薩地者值見無數億百千姪兆載諸佛
普以供養衣被飲食床卧坐具病瘦醫藥奉
所宣法啓受遵行又諸佛所出家爲道行作
沙門益增勤修心性仁和信解習淨於無央
數億百千姪不廢德本一切轉加巍巍遂高
豐赫弘茂猶如寶師工作衆物成諸瓔珞所
合無比釵環步搖靡不成好菩薩大士亦復

豐赫弘茂猶如寶師工作衆物成諸瓔珞所
合無比釵環步搖靡不成好菩薩大士亦復
如是住暉曜地其功德本轉以加增越諸下
地諸菩薩住猶如佛子如意明珠光曜清淨
其暉遠照明無等倫其餘諸寶雖在其邊光
蔽不現菩薩如是逮暉曜住則無等侶諸下
地菩薩功德不現衆魔塵勞悉爲消滅是爲
佛子菩薩大士住於第四暉曜地者所在遊
立弘坦和雅若處天位爲天王時開化衆生
諸貪身者所造立業惠施仁愛利人等利一
切救濟合聚群黎常念諸佛未曾忘捨也乃
至普具一切智道何因得爲衆生最尊感致

一切無極聖慧為衆生護導之利之發意之
須殷勤精進須臾一時建億百千諸三昧定
觀衆菩薩億百千姪眷屬圍遶菩薩之力度
於所願所願殊特變化自在億百千姪兆載
計劫無能計限功德威神於時金剛藏菩薩
重欲分別義之所歸便說頌曰

修治至光明

第三之住地

衆生處世間

各各周流行

其第三之住

等猶如虛空

其志性篤信

清淨行無犯

適獲致光曜

大威無極住

將養世尊種

至誠而迴轉

住佛無懷疑

法聖衆亦然

立清白之行

以觀見品類

在世遵吉祥

從緣報往生

因墮於生死

衆生之國土

以法為無始

所興無盡際

奉行常勤勅

建歸世尊種

因墮於生死。衆生之國土。以法爲無始。
所興無盡際。奉行常勤勅。建歸世尊種。
積累法如是。愍哀于群黎。其身遵道行。
心法消痛癢。內外行相應。思惟正其意。
專精修言教。棄捐於所有。已除盡衆惡。
長成諸善法。適消化諸非。便修第四業。
奉行四神足。五根并五力。微妙覺意寶。
遵八路如是。道念諸群萌。意寂然眷屬。
近辦所誓願。因由本行慈。志願一切智。
以成治佛土。其力上最勝。心思惟章句。
又勇猛無畏。與法俱教化。殷勤志慕求。
樂佛殊妙聲。深遠之道寶。脫門之處所。
積德而惟念。大善權方便。已離于貪身。
消六十二見。永除內所倚。及其計有命。

積德而惟念
消六十二見
無五陰四大
皆除是諸礙
不復求貪樂
性行甚清淨

大善權方便
永除內所倚
諸種處亦然
咸離棄首高
所生之罪勞
精進修道德

已離于貪身
及其計有命
已得第四住
安住悉無慢
已消眾瑕垢
修善不求身

其心甚柔耍
賢雅而愍哀
樂喜於聖慧
遠離求愛欲
無慢無所愛
奉尊等合集

所行無放逸
求慕上利義
為眾修行業
作人有返復
心性常樂快
其行已得立

心和質直
一切不患厭
恭敬奉師長
無諂順教命
精進不迴還
第三微妙住

內性無不可
增長清白法
喜薩已住此
無央數億垓
成道無等倫
功勳志性和
若億百千垓
猶如魔爲侶
致成寂然道
六十二諸見
精進志求學
安和廣大業

治心令清淨
去衆垢穢濁
殊勝無所著
出家作沙門
紫金成瓔珞
善權智慧俱
魔衆不迴轉
已得住斯義
極尊法行句
若能行殊特
億百人中尊
又無數上妙

覩見喜信樂
一切化癡結
供養諸衆祐
專精聞受法
已能住是義
修行清淨業
奉行殊妙寶
供養人中上
因能蠲衆生
爲最勝慧故
見佛無他念
將養無量劫

願樂誓愿堂。遵功勳之行。是為第四住

精妙清淨行。名德通我。真安住所演

時諸會者皆咸得聞第四住地最勝之子知

解諸法歡喜踊躍心中欣然住在虛空雨散

天華善哉佛子宣揚其魔雖尊與諸天

俱踊在虛空悉抱悅豫供養衆祐若干妙雲

雨柔奕華貢上安住諸根巨然琴瑟笙篴暢

悲哀音諸天集會欲奉世尊觀最勝像及所

建立一切舉聲演如是音面目充滿性行巍

巍行道甚久今乃獲願久來不見天人之尊

諸天已到現能仁前久未得察動大海者演

淨光來為甚大久衆生久來今乃獲安甚久

以來聞悲音響別來長迥不詣大聖獲一切

德勳所度無極棄捐負高寂靜致上供養遵

以來聞悲音響別來長迥不誼大聖獲一切
德動所度無極棄捐貢高寂靜致上供養遵
敬於大沙門此間供養徑還天上於此供養
趣安無限能供養者盡一切苦能供養者速
佛聖惠衆祐清淨猶如虛空不著世俗如水
蓮華超照高遠堅如須弥心中歡喜奉

勝演是音已心懷喜悅降諸魔子不可稱載
喜笑瞻觀如是衆德當示之時咸悉寂然宣
布大財如月不毀復勇猛無畏發第四住最勝
願說

漸備一切智德經卷第二

我

